

FEDERALNO MINISTARSTVO PRAVDE**2016**

Na temelju članka 10. stavak 1. i članka 12. stavak 3. Zakona o vještacima ("Službene novine Federacije BiH", br. 49/05 i 38/08), federalni ministar pravde objavljuje

**DOPUNSKU LISTU
STALNIH SUDSKIH VJEŠTAKA IZ OBLASTI
VETERINARSKJE STRUKE**

Redni broj	IME I PREZIME	ADRESA	Telefonski broj	OBLAST	PODOBLAST
1	2	3	4	5	6
1.	Prof. dr sci. SEJAD MAČKIĆ, dipl. veterinar	Envera Šehovića 44/7 Sarajevo	061/172-171	Veterinarska struka	Veterinarska struka

Broj 01-45-1496/21-IV
20. listopada/oktobra 2022. godine
Sarajevo

Ministar
Mato Jožić, s. r.

FEDERALNO MINISTARSTVO OKOLIŠA I TURIZMA**2017**

Na osnovu člana 99. stav 4. Zakona o zaštiti prirode ("Službene novine Federacije BiH", broj 66/13), ministrica Federalnog ministarstva okoliša i turizma donosi

**PRAVILNIK
O USLOVIMA I NAČINU PREKOGRAIČNOG
PROMETA UGROŽENIM VRSTAMA DIVLJIH
ŽIVOTINJA I BILJAKA U FEDERACIJI
BOSNE I HERCEGOVINE**

POGLAVLJE I. OPŠTE ODREDBE

Član 1.
(Predmet)

- (1) Ovim pravilnikom uređuje se postupak i uslovi za donošenje rješenja odnosno saglasnosti o unosu, iznosu, izvozu ili uvozu s mora, i ponovnom izvozu, divljih vrsta i podvrsta, njihovih dijelova i derivata, zaštićenih na osnovu Zakona o zaštiti prirode (u daljem tekstu: zaštićene vrste), sadržaj i način podnošenja zahtjeva, opšta i posebna ograničenja pri uvozu, način obilježavanja životinja ili pošiljki, način zbrinjavanja oduzetih primjeraka, tijela nadležna za provođenje i nadzor, način provođenja nadzora, vođenje evidencije, izrada izvještaja, te druge uslove za odvijanje prekograničnog prometa divljim vrstama/podvrstama iz nadležnosti Federacije Bosne i Hercegovine (u daljem tekstu: Federacija BiH), u cilju zaštite vrsta divlje faune i flore te osiguranja njihovog očuvanja uređenjem trgovine u tom području.
- (2) U rješavanju pitanja iz stava (1) ovog člana koja se odnose na oblast prekograničnog prometa ugroženim vrstama divljih životinja i biljaka, postupa se u skladu sa Odlukom o uvjetima i načinu provedbe Konvencije o međunarodnoj trgovini ugroženim vrstama divljih životinja i biljaka u Bosni i Hercegovini (CITES), koju je donijelo Vijeće ministara Bosne i Hercegovine ("Službeni glasnik BiH", broj 31/18 - u daljem tekstu: Odluka VM), a vrši se na način uređen ovim pravilnikom.
- (3) U rješavanju pitanja utvrđenih ovim pravilnikom, Federalno ministarstvo okoliša i turizma (u daljem tekstu: Federalno ministarstvo), na zahtjev stranaka (uvoznika ili izvoznika), izdaje odgovarajuće saglasnosti koje predstavljaju pravni osnov da Ministarstvo vanjske trgovine i ekonomskih odnosa BiH (u daljem tekstu: Ministarstvo BiH) može, u skladu sa

odgovarajućim odredbama Odluke VM, izdati odgovarajuće dozvole, potvrde i druge akte za prekogranični promet ugroženim vrstama divljih životinja i biljaka u Federaciji BiH.

- (4) U postupku rješavanja zahtjeva stranaka za pitanja utvrđena ovim pravilnikom istovremeno se primjenjuju i odgovarajuće odredbe Odluke VM, koje se odnose na pitanja uređena ovim pravilnikom. Istovremena primjena Odluke VM i ovog pravilnika vrši se na osnovu odredaba Odluke VM koje su navedene u odredbama ovog pravilnika, jer se te odredbe odnose na isto pitanje.

Član 2.

(Definicije pojedinih izraza)

- (1) Izrazi upotrijebljeni u ovom pravilniku imaju sljedeće značenje:
 - a) Konvencija je Konvencija o međunarodnoj trgovini ugroženim vrstama divljih životinja i biljaka (u daljem tekstu: Konvencija) koja je ratificirana od strane Bosne i Hercegovine dana 05.12.2008. godine ("Službeni glasnik BiH" - Međunarodni ugovori, broj 11/08);
 - b) Ministarstvo BiH je Ministarstvo vanjske trgovine i ekonomskih odnosa Bosne i Hercegovine, koje obavlja dužnosti Upravnog organa u skladu sa članom 9. Konvencije, a koji izdaje dozvole, potvrde i druge akte u skladu sa Odlukom VM, te obavlja druge poslove u okviru ovlaštenja utvrđenih Odlukom VM;
 - c) Naučno-stručna komisija za zaštićene vrste je komisija imenovana od strane Federalnog ministarstva i ovlaštena da obavlja funkcije naučnika ili ovlaštene naučne i stručne organizacije u Federaciji BiH sa zadatkom da osigura naučne ili stručne podloge za provedbu ovog pravilnika, odnosno Odluke VM, u skladu sa članom 9. Konvencije;
 - d) obrađeni primjerci stečeni prije više od 50 godina podrazumijevaju primjerke koji su znatno promijenjeni u odnosu na svoje prirodno sirovo stanje ili obrađeni u nakit, ukrase, umjetničke predmete, predmete za praktičnu upotrebu ili muzičke instrumente prije 01. juna 1947. godine, i za koje je pružen odgovarajući dokaz da su stečeni u takvom stanju; takvi primjerci će se smatrati obrađenima samo ako se nalaze u jednoj od prethodno navedenih kategorija, i ako im nije potrebno dalje rezbarenje, oblikovanje i izrada kako bi postigli svoju svrhu;
 - e) podnosilac zahtjeva je uvoznik, izvoznik ili vlasnik, ili drugo lice koje podnesenim zahtjevom traži saglasnost Federalnog ministarstva za uvoz ili izvoz ili druge radnje predviđene ovim pravilnikom, radi dobijanja akata iz člana 44. stav (2) ovog pravilnika, koje izdaje Ministarstvo BiH.
 - f) primjerak je svaka životinja ili biljka, bez obzira da li je živa ili mrtva, koja pripada zaštićenim vrstama datim u Prilogu I, Prilogu II, Prilogu III, Prilogu IV, Prilogu V, Prilogu VI, Prilogu VII, Prilogu VIII i Prilogu IX, koji čine sastavni dio Odluke VM, svaki njen dio ili derivat, bez obzira čini li sastojak druge robe, kao i sva druga roba za koju je iz prapratne isprave, pakovanja, oznake, etikete ili ostalih dokumenata vidljivo da predstavlja životinju ili biljku koja pripada tim vrstama, ili ako sadrži dijelove ili derivate životinja ili biljaka koje pripadaju tim vrstama, osim ukoliko takvi dijelovi ili derivati nisu izričito izuzeti od primjene odredbi ovog pravilnika odnosno Odluke VM. Primjerkom će se smatrati i primjerak zaštićene vrste date u naprijed navedenim priložima u ovoj tački, ukoliko predstavlja životinju ili biljku, ili je dio ili derivat životinje ili biljke

- čiji barem jedan "roditelj" pripada navedenoj vrsti. U slučajevima kada "roditelji" takve životinje ili biljke pripadaju vrstama navedenim u različitim prilogima, ili vrstama od kojih je samo jedna navedena, primjenjuju se odredbe restriktivnijeg priloga. U slučaju primjeraka biljaka hibrida, ukoliko je jedan od "roditelja" pripadnik zaštićene vrste date u Prilogu I Odluke VM, primjenjuju se odredbe restriktivnijeg priloga samo u slučaju da u tom prilogu uz tu vrstu stoji napomena u tom smislu;
- g) saglasnost nadležnog organa je saglasnost Federalnog ministarstva za izdavanje dozvole za uvoz, izvoz, unos, iznos ili tranzit, trgovina i uzgoj ugroženih i zaštićenih vrsta navedenih u prilogima Odluke VM i ovog pravilnika;
- (2) Izrazi koji se koriste u ovom a koji imaju rodno značenje, bez obzira na to jesu li korišteni u muškom ili ženskom rodu, obuhvaćaju na jednak način muški i ženski rod.
- (3) Za ostale izraze koji se koriste u ovom pravilniku primjenjuju se definicije koje su utvrđene u članu 2. Odluke VM.

POGLAVLJE II - UVJETI ZA OBAVLJANJE PREKOGRANIČNOG PROMETA ZAŠTIĆENIH VRSTA

Član 3.

Saglasnost za uvoz vrsta iz Priloga I

- (1) U skladu sa članom 3. Odluke VM, vrste iz Priloga I Odluke VM mogu se unositi u Federaciju BiH ukoliko podnosilac zahtjeva (uvoznik) posjeduje uvoznu dozvolu koju izdaje Ministarstvo BiH.
- (2) Uvozna dozvola iz stava (1) ovog člana izdaje se na osnovu saglasnosti za uvoz koju izdaje Federalno ministarstvo. Ta saglasnost izdaje se ako su ispunjeni sljedeći uvjeti:
- a) da je podnosilac zahtjeva dostavio dokumentaciju kojom se dokazuje da su primjerci nabavljeni u skladu sa zakonskim propisima o zaštiti datih vrsta u državi izvoza ili ponovnog izvoza. U slučaju uvoza primjeraka vrsta iz Priloga I koji su navedeni u Dodacima I, II, ili III Konvencije, podnosilac zahtjeva prilaže izvoznu dozvolu ili potvrdu o ponovnom izvozu koju je u skladu sa Konvencijom izdao upravni organ države izvoza ili države ponovnog izvoza, ili njihovu fotokopiju;
- b) da je Federalnom ministarstvu pružen zadovoljavajući dokaz da se primjerci neće upotrebljavati u komercijalne svrhe;
- c) da je Naučno-stručna komisija, na osnovu dostupnih podataka i dokumentacije utvrdila:
- da unošenje u Federaciju BiH nema štetan utjecaj na status očuvanja tih vrsta ili na veličinu teritorija koji zauzimaju odgovarajuće populacije tih vrsta;
 - da je unošenje u Federaciju BiH potrebno za:
 - napredak nauke i provedbu neophodnih bio-medicinskih istraživanja, u skladu sa Zakonom o zaštiti i dobrobiti životinja ("Službeni glasnik BiH", broj 25/09) i Pravilnikom o zaštiti pokusnih životinja i uvjetima koje moraju ispunjavati pravne osobe koje se bave izvođenjem eksperimenata na životinjama ("Službeni glasnik BiH", broj 46/10), ukoliko se dokaže da su te vrste jedine odgovarajuće za navedene svrhe i da ne postoje drugi primjerci uzgojeni u zatočeništvu ili vještački razmnoženi; ili
 - za uzgoj ili razmnožavanje u svrhu očuvanja vrsta; ili

- za istraživanje i obrazovanje u svrhu očuvanja vrsta; ili
 - druge potrebe koje nisu štetne za opstanak vrsta;
- d) da je smještaj namijenjen živom primjerku u određitu odgovarajuće opremljen za njegovo primjereno držanje i njegu;
- e) da je na osnovu mišljenja Naučno-stručne komisije utvrđeno da nema nikakvih drugih faktora koji se odnose na očuvanje vrsta, a koji bi bili protivni izdavanju uvozne dozvole;
- f) da je pružen odgovarajući dokaz da će svaki živi primjerek biti otpremljen na način koji na najmanju moguću mjeru smanjuje rizik povrede, narušavanja zdravlja ili okrutnog postupanja.
- (3) Ocjenu ispunjenosti uvjeta iz stava (2) ovog člana vrši Federalno ministarstvo, prije izdavanja saglasnosti.

Član 4.

Saglasnost za uvoz vrsta iz Priloga II

- (1) U skladu sa odredbama člana 4. Odluke VM, primjerci vrsta iz Priloga II Odluke VM, mogu se unositi u Federaciju BiH ukoliko uvoznik/podnosilac zahtjeva posjeduje uvoznu dozvolu koju izdaje Ministarstvo BiH.
- (2) Uvozna dozvola iz stava (1) ovog člana izdaje se na osnovu saglasnosti koju izdaje Federalno ministarstvo. Ta saglasnost izdaje se ako su ispunjeni sljedeći uvjeti:
- a) da je podnosilac zahtjeva dostavio dokumentaciju kojom se dokazuje da su primjerci nabavljeni u skladu sa zakonskim propisima o zaštiti datih vrsta u državi izvoza ili ponovnog izvoza. U slučaju uvoza primjeraka vrsta iz Priloga II koji su dati u Dodacima Konvencije, podnosilac zahtjeva prilaže izvoznu dozvolu ili potvrdu o ponovnom izvozu koju je u skladu sa Konvencijom izdao upravni organ države izvoza ili države ponovnog izvoza, ili njihovu fotokopiju;
- b) da je podnosilac zahtjeva dao na uvid dokumente kojima se dokazuje da je smještaj za žive primjerce u određitu odgovarajuće opremljen za njihovo primjereno držanje i njegu;
- c) da je podnosilac zahtjeva pružio zadovoljavajući dokaz da će svaki živi primjerek biti otpremljen na način koji na najmanju moguću mjeru smanjuje rizik od povrede, narušavanja zdravlja ili okrutnog postupanja;
- d) da je Naučno-stručna komisija na osnovu dostupnih podataka i dokumentacije, utvrdila da unošenje u Federaciju BiH nema štetan uticaj na status očuvanja vrste ili na veličinu teritorija koju zauzima odgovarajuća populacija te vrste, uzimajući u obzir sadašnji ili predviđeni nivo trgovine;
- e) da je na osnovu mišljenja Naučno-stručne komisije utvrđeno da nema nikakvih drugih faktora koji se odnose na očuvanje vrsta, a koji bi bili protivni izdavanju uvozne dozvole.
- (3) Ocjenu ispunjenosti uvjeta iz stava (2) ovog člana vrši Federalno ministarstvo, prije izdavanja saglasnosti.

Član 5.

Saglasnost za uvoz vrsta iz Priloga III

- (1) U skladu sa odredbama člana 5. Odluke VM, primjerci vrsta iz Priloga III Odluke VM mogu se unositi u Federaciju BiH ukoliko uvoznik/podnosilac zahtjeva posjeduje obavještenje o uvozu koje izdaje Ministarstvo BiH.
- (2) Obavještenje o uvozu iz stava (1) ovog člana izdaje se na osnovu saglasnosti koju izdaje Federalno ministarstvo. Ta saglasnost se izdaje ako su ispunjeni sljedeći uvjeti:

- a) da je podnositelj zahtjeva dostavio izvozna dozvola koju je, u skladu sa Konvencijom, izdao upravni organ države izvoza ukoliko se radi o uvozu iz države koja je naznačena uz ime te vrste u Prilogu III Odluke VM; ili
 - b) da je podnositelj zahtjeva dostavio izvozna dozvola, potvrdu o ponovnom izvozu ili potvrdu o porijeklu koju je, u skladu sa Konvencijom, izdao upravni organ države izvoza ili države ponovnog izvoza ukoliko se radi o uvozu iz svih drugih zemalja, osim one čije ime stoji u napomenama uz ime vrste u Prilogu III Odluke VM.
- (3) Naučno-stručna komisija daje mišljenje iz stava (2) ovog člana, u kojem ocjenjuje da li:
- a) unošenje u Federaciju BiH ima štetan uticaj na status očuvanja vrste ili na veličinu teritorija koji zauzima odgovarajuća populacija te vrste u državi porijekla, uzimajući u obzir sadašnji ili predviđen nivo trgovine;
 - b) postoji opasnost po autohtone vrste, ukoliko dođe do slučajnog ili namjernog bijega primjeraka u slobodnu prirodu Federacije BiH;
 - c) je smještaj namijenjen živim primjercima u određitu odgovarajuće opremljen za njihovo primjereno držanje i njegu.
- (4) Ocjenu ispunjenosti uvjeta iz stava (2) ovog člana vrši Federalno ministarstvo, prije izdavanja saglasnosti.

Član 6.

Saglasnost za uvoz vrsta iz Priloga IV, VII i VIII

- (1) U skladu sa odredbom člana 6. Odluke VM, primjerci vrsta iz Priloga IV, VII i VIII Odluke VM mogu se unositi u Federaciju BiH ukoliko uvoznik/podnositelj zahtjeva posjeduje obavještenje o uvozu koje izdaje Ministarstvo BiH.
- (2) Prilog VII i VIII iz stava (1) ovog člana predstavljaju liste autohtonih strogo zaštićenih divljih vrsta i podvrsta i zaštićenih divljih vrsta i podvrsta na području Federacije BiH, a označeni su kao Prilog I/VII i Prilog II/VIII i čine sastavni dio ovog pravilnika. Ti prilozi su sastavljeni na osnovu Pravilnika o mjerama zaštite za strogo zaštićene vrste i podvrste i zaštićene vrste i podvrste ("Službene novine Federacije BiH" broj 21/20), a koriste se i u primjeni ovog pravilnika. U daljem tekstu Prilog I/VII ovog pravilnika predstavlja Prilog VII Odluke VM, a Prilog II/VIII predstavlja Prilog VIII Odluke VM.
- (3) Obavještenje o uvozu iz stava (1) ovog člana izdaje se na osnovu saglasnosti za uvoz koju izdaje Federalno ministarstvo. Ta saglasnost se izdaje na osnovu mišljenja Naučno-stručne komisije, u kojem komisija ocjenjuje da li:
 - a) unošenje u Federaciju BiH ima štetan uticaj na status očuvanja vrste ili na veličinu teritorija koji zauzima odgovarajuća populacija te vrste u državi porijekla, uzimajući u obzir sadašnji ili predviđen nivo trgovine;
 - b) postoji opasnost po autohtone vrste, ukoliko dođe do slučajnog ili namjernog bijega primjeraka u slobodnu prirodu Federacije BiH;
 - c) je smještaj namijenjen živim primjercima u određitu odgovarajuće opremljen za njihovo primjereno držanje i njegu.
- (4) Ocjenu ispunjenosti uvjeta iz stava (2) ovog člana vrši Federalno ministarstvo, prije izdavanja saglasnosti.

Član 7.

Izuzeci pri izdavanju saglasnosti za uvoz

- (1) U skladu sa članom 7. Odluke VM, uvjeti za izdavanje uvozne dozvole iz člana 3. stav (2) tač. b) i c) i člana 4. stav (2) ovog pravilnika se ne odnose na primjerke za koje podnositelj zahtjeva dostavi dokument kojim dokazuje:

- a) da su primjerci prethodno zakonito uneseni u Federaciju BiH ili stečeni u njoj, i da se, bez obzira da li su izmijenjeni ili ne, ponovo nose u Federaciju BiH; ili
 - b) da predstavljaju obrađene primjerke koji su stečeni prije više od 50 godina.
- (2) Ispunjenje uvjeta iz stava (1) ovog člana utvrđuje Federalno ministarstvo na zahtjev uvoznika, prije izdavanja saglasnosti.

Član 8.

Saglasnost za izvoz i ponovni izvoz vrsta iz Priloga I i VII

- (1) U skladu sa članom 8. stav (1) Odluke VM, primjerci vrsta iz Priloga I Odluke VM i Priloga I/VII ovog pravilnika (Prilog VII Odluke VM) mogu se izvoziti ili ponovo izvoziti iz Federacije BiH ukoliko podnositelj zahtjeva posjeduje izvozna dozvolu ili potvrdu o ponovnom izvozu koju je izdalo Ministarstvo BiH.
- (2) Izvoz vrsta iz Priloga I/VII ovog pravilnika može se dozvoliti samo u naučno-istraživačke svrhe koje će dovesti do poboljšanja statusa populacija strogo zaštićenih vrsta kako je utvrđeno u članu 114. Zakona o zaštiti prirode.
- (3) Izvozna dozvola ili potvrda o ponovnom izvozu iz stava (1) ovog člana, izdaje se na osnovu saglasnosti koju izdaje Federalno ministarstvo. Ta saglasnost izdaje se ako su ispunjeni sljedeći uvjeti:
 - a) da je podnositelj zahtjeva dostavio dokument kojim dokazuje:
 - da su primjerci nabavljeni u Federaciji BiH u skladu sa važećim propisima iz oblasti zaštite prirode, a ukoliko se radi o primjercima vrsta iz Priloga I Odluke VM kojim Bosna i Hercegovina nije država porijekla, dokazna dokumentacija se dostavlja u obliku potvrde u kojoj se navodi da je primjerak uzet iz prirode u skladu sa važećim zakonodavstvom države porijekla;
 - da su primjerci nabavljeni u Federaciji BiH u skladu sa Konvencijom;
 - da je izdata uvozna dozvola u slučaju izvoza primjeraka vrsta iz Dodatka I Konvencije u neku od država strana Konvencije;
 - da se primjerci neće koristiti u komercijalne svrhe, izuzev primjeraka u skladu sa članom 32. ovog pravilnika;
 - da će svaki živi primjerak biti otpremljen na način koji na najmanju moguću mjeru smanjuje rizik od povrede, narušavanja zdravlja ili okrutnog postupanja.
 - b) da je Naučno-stručna komisija na osnovu dostupnih podataka, u pisanom obliku utvrdila da hvatanje ili sakupljanje primjeraka iz prirode, ili njihov izvoz, neće imati štetan uticaj na status očuvanja tih vrsta ili na veličinu teritorija koju zauzima odgovarajuća populacija tih vrsta;
 - c) da je na osnovu mišljenja Naučno-stručne komisije utvrđeno da ne postoje drugi faktori koji se odnose na očuvanje vrsta, a koji sprečavaju izdavanje izvozne dozvole.
- (4) Saglasnost za ponovni izvoz iz stava (3) Odluke VM, izdaje se ako su ispunjeni uvjeti iz stava (2) tačka a) alineja 3., 4. i 5. i tačka c) ovog člana, i ako podnositelj zahtjeva dostavi dokument kojim dokazuje da su primjerci:
 - a) uneseni u Federaciju BiH u skladu sa ovim pravilnikom ili Odlukom VM;
 - b) uvedeni u međunarodnu trgovinu u skladu sa Konvencijom, ako su uneseni u Federaciju BiH prije 05.12.2008. godine;

- c) zakonito uneseni u Federaciju BiH prije početka primjene Odluke VM i Konvencije u Bosni i Hercegovini.
- (5) Ocjenu ispunjenosti uvjeta iz st. (2), (3) i (4) ovog člana, vrši Federalno ministarstvo, prije izdavanja saglasnosti.

Član 9.

Saglasnost za izvoz i ponovni izvoz vrsta iz Priloga II, III i VIII

- (1) U skladu sa članom 9. stav (1) Odluke VM, primjerci vrsta iz Priloga II, Priloga III Odluke VM i Priloga II/VIII ovog pravilnika (Prilog VIII Odluke VM), mogu se izvoziti ili ponovo izvoziti iz Federacije BiH ukoliko uvoznik/podnosilac zahtjeva posjeduje izvoznu dozvolu ili potvrdu o ponovnom izvozu koju je izdalo Ministarstvo BiH.
- (2) Izvozna dozvola iz stava (1) ovog člana izdaje se na osnovu saglasnosti Federalnog ministarstva. Ta saglasnost se izdaje ako su ispunjeni uvjeti iz člana 8. stav (2), stav (3) tačka a) alineja 1., 2. i 5. i tačka b) i c) ovog pravilnika.
- (3) Saglasnost za izdavanje potvrde o ponovnom izvozu izdaje se ako su ispunjeni uvjeti iz člana 8. stav (3) tačka a), alineja 5. i tačka c) i stav (4) ovog pravilnika.
- (4) Ocjenu ispunjenosti uvjeta iz st. (2) i (3) ovog člana, vrši Federalno ministarstvo, prije izdavanja saglasnosti.

Član 10.

Izuzeci pri izdavanju saglasnosti za izvoz ili ponovni izvoz

Uvjeti za izdavanje izvozne dozvole ili potvrde o ponovnom izvozu iz člana 8. stav (3) tačke a) alineja 3. i 4. i tačka b) ovog pravilnika, ne odnose se na:

- obrađene primjerke koji su stečeni prije više od 50 godina;
- mrtve primjerke, njihove dijelove i derivate za koje podnosilac zahtjeva pruži odgovarajući dokaz da su zakonito stečeni prije nego što su se na njih počele primjenjivati odredbe Konvencije i odredbe Odluke VM.

Član 11.

(Saglasnost za uvoz živih primjeraka alohtonih vrsta)

- (1) U skladu sa članom 11. Odluke VM, živi primjerci alohtonih vrsta koje nisu date u Prilozima I do IX Odluke VM, mogu se unijeti u Federaciju BiH ukoliko uvoznik/podnosilac zahtjeva posjeduje uvoznu dozvolu koju je izdalo Ministarstvo BiH.
- (2) Uvozna dozvola iz stava (1) ovog člana, izdaje se na osnovu saglasnosti Federalnog ministarstva. Ta saglasnost se izdaje ako su ispunjeni sljedeći uvjeti:
- da je podnosilac zahtjeva dostavio dokument kojim dokazuje porijeklo primjeraka i pisanu izjavu iz koje je vidljiva namjena uvoza;
 - da je Naučno-stručna komisija dala mišljenje da:
 - unošenje u Federaciju BiH nema štetan uticaj na status očuvanja vrste ili na veličinu teritorija koji zauzima odgovarajuća populacija te vrste u državi porijekla, uzimajući u obzir sadašnji ili predviđen nivo trgovine;
 - ne postoji opasnost po autohtone vrste, ukoliko dođe do slučajnog ili namjernog bijega primjeraka u slobodnu prirodu Federacije BiH;
 - je smještaj namijenjen živim primjercima u određitu odgovarajuće opremljen za njihovo primjereno držanje i njegu;
 - da je pružen odgovarajući dokaz da će svaki živi primjerak biti otpremljen na način koji na najmanju moguću mjeru smanjuje rizik povrede, narušavanja zdravlja ili okrutnog postupanja;

- d) da je na osnovu mišljenja Naučno-stručne komisije utvrđeno da ne postoje drugi faktori koji sprečavaju izdavanje uvozne dozvole.

- (3) Ocjenu ispunjenosti uvjeta iz stava (2) ovog člana, vrši Federalno ministarstvo, prije izdavanja saglasnosti.

Član 12.

(Tranzit)

Tranzit kroz Federaciju BiH primjeraka vrsta iz Priloga I do IX Odluke VM se obavlja u skladu sa odredbom člana 12. Odluke VM.

POGLAVLJE III - IZUZECI PRI UVOZU, PONOVNOM UVOZU I PONOVNOM IZVOZU ZAŠTIĆENIH VRSTA

Član 13.

(Ponovni uvoz)

- (1) U skladu sa odredbama člana 13. Odluke VM, predviđeno je da se izuzetno od primjene čl. 3, 4, 5. i 6. ovog pravilnika, za ponovni uvoz u Federaciju BiH mrtvih primjeraka, dijelova i derivata koji predstavljaju lične ili kućne stvari, nije potrebno:
- pribaviti saglasnost za uvoznu dozvolu Bosne i Hercegovine za vrste iz Priloga I i II Odluke VM;
 - popuniti obavještenje o uvozu u graničnoj carinskoj ispostavi na mjestu unošenja za vrste iz Priloga III i IV Odluke VM.
- (2) Izuzetak iz stava (1) ovog člana se ne odnosi na lične i kućne stvari koje se koriste za ostvarivanje komercijalne dobiti, koje se prodaju, izlažu u komercijalne svrhe, čuvaju za prodaju, nude za prodaju ili prevoze radi prodaje.
- (3) Pod mrtvim primjercima iz stava (1) ovog člana podrazumijevaju se i lovački trofeji ako su:
- sastavni dio ličnog prtljaga putnika koji dolaze iz inostranstva; ili
 - sastavni dio lične imovine fizičkog lica koje mijenja boravak u inostranstvu za boravak u Federaciji BiH; ili
 - lovački trofeji odstrijeljeni u inostranstvu, a uvoze se naknadno.
- (4) Kada lice koje ima prebivalište ili boravište u Federaciji BiH prvi put unosi u Federaciju BiH lične i kućne stvari, uključujući i lovačke trofeje, koji potiču od primjeraka vrsta iz Priloga II ili III Odluke VM, postupa u skladu sa Odlukom VM, s tim što se kod nadležne carinske službe postupa prema članu 13. stav (4) Odluke VM.
- (5) Izuzetak iz st. (1) i (4) ovog člana se ne odnosi na lične i kućne stvari, uključujući i lovačke trofeje, porijeklom od primjeraka vrsta iz Priloga I Odluke VM, koje prvi put u Bosnu i Hercegovinu unosi lice koje ima prebivalište ili boravište u Federaciji BiH, ili dokaže da namjerava zasnovati prebivalište u Federaciji BiH.
- (6) Kada lice koje ima prebivalište ili boravište u Federaciji BiH ponovo unosi lične ili kućne stvari u Federaciju BiH, uključujući i lovačke trofeje, koji potiču od vrsta iz Priloga I ili II Odluke VM, postupa u skladu sa članom 13. stav (6) Odluke VM.
- (7) U skladu sa članom 13. stav (7) Odluke VM, pri uvozu ili ponovnom uvozu u Federaciju BiH nije potrebno staviti na uvid uvoznu dozvolu, izvoznu dozvolu ili potvrdu o ponovnom izvozu za slučajeve utvrđene u članu 13. stav (7) tač. a) do f) Odluke VM.

Član 14.

(Ponovni izvoz)

- (1) U skladu sa odredbom člana 14. Odluke VM, izuzetno od primjene člana 8. stav (3) i člana 9. stav (3) ovog pravilnika, nije potrebno pribaviti saglasnost za potvrdu za ponovni izvoz iz Federaciju BiH mrtvih primjeraka, dijelova i derivata vrsta iz Priloga I, II i III Odluke VM koji

predstavljaju lične ili kućne stvari, uključujući lovačke trofeje, koji se ponovo izvoze iz Federacije BiH, i sastavni su dio:

- a) ličnog prtljaga putnika koji putuje u inostranstvo, ili
 - b) lične imovine fizičkog lica koje mijenja boravak u Federaciji BiH za boravak u inostranstvu.
- (2) Izuzeće iz stava (1) ovog člana ne primjenjuje se na:
- a) lične i kućne stvari i lovačke trofeje kada se prvi put izvoze iz Federacije BiH;
 - b) lične i kućne stvari koje se koriste za ostvarivanje komercijalne dobiti, koje se prodaju, izlažu u komercijalne svrhe, čuvaju za prodaju, nude za prodaju, prevoze radi prodaje ili izvoze u svrhu prodaje.
- (3) Kada lice koje ima prebivalište ili boravište u Federaciji BiH ponovo izvozi lične i kućne stvari, uključujući i lovačke trofeje, koji potiču od primjeraka vrsta iz Priloga I, II i III Odluke VM, postupa u skladu sa odredbom člana 14. st. (3) i (4) Odluke VM.

Član 15.

(Etiketa za razmjenu naučnog materijala)

- (1) U postupku popune i korištenja etikete za razmjenu naučnog materijala iz člana 15. Odluke VM, postupa se prema odredbama ovog člana.
- (2) Saglasnosti i dozvole iz čl. 3, 4, 5, 8. i 9. ovog pravilnika, kao i mišljenja i saglasnosti iz člana 6. ovog pravilnika, nisu obavezni ukoliko se radi o konzerviranim, osušenim ili na neki drugi način očuvanim muzejskim primjercima, primjercima iz herbarijuma i živom biljnom materijalu, i to u slučaju kada se oni posuđuju, poklanjaju ili razmjenjuju u nekomercijalne svrhe među naučnicima i naučnim ustanovama koje su registrirane pri upravnom organu države u kojoj se nalaze, a pošiljka sa predmetnim primjercima je obilježena etiketom iz Priloga XIII Odluke VM.
- (3) Naučnici i naučne ustanove popunjavaju sva polja etikete, i o upotrebi svake etikete obavještavaju Federalno ministarstvo tako što mu dostavljaju za to predviđeni dio etikete, a onda to ministarstvo o tome obavještava Ministarstvo BiH.
- (4) Naučnike i naučne ustanove iz stava (2) ovog člana, Federalno ministarstvo upisuje u svoju evidenciju i dodjeljuje im evidencijski broj, koji se sastoji od pet znakova, od kojih su prva dva slova i predstavljaju dvoslovni ISO-kôd države, a zadnje tri cifre su jedinstveni broj naučne ustanove.
- (5) Naučnici i naučne ustanove vode inventar primjeraka iz Priloga I do IV te Priloga I/VII i II/VIII (Priloga VII i III Odluke VM), i dužni su u taj inventar omogućiti uvid Federalnom ministarstvu i Ministarstvu BiH.

Član 16.

(Pretkonvencijski status primjeraka)

- (1) U skladu sa članom 16. Odluke VM, Ministarstvo BiH izdaje potvrdu da su primjerci stečeni prije stupanja na snagu odredbi Konvencije za datu vrstu, odnosno Odluke VM (pretkonvencijski status).
- (2) Izdavanje potvrde iz stava (1) ovog člana, vrši se na osnovu saglasnosti Federalnog ministarstva. Ta saglasnost se izdaje kada se utvrdi da su primjerci stečeni prije stupanja na snagu odredbi Konvencije za datu vrstu, odnosno prije stupanja na snagu Odluke VM (pretkonvencijski status).
- (3) Pod datumom sticanja živih ili mrtvih primjeraka uzetih iz prirode podrazumijeva se onaj datum kada su isti uzeti iz prirodnog okruženja, a pod datumom sticanja dijelova i derivata podrazumijeva se datum kada su legalno postali nečije vlasništvo. Ako nije moguće utvrditi datum sticanja

primjerka, za takav primjerak ne može se utvrditi pretkonvencijski status.

Član 17.

(Putujuće izložbe)

- (1) U skladu sa članom 17. Odluke VM, Ministarstvo BiH izdaje dozvolu za putujuće izložbe za zakonito nabavljene primjerce vrsta iz Priloga I, II i III Odluke VM.
- (2) Dozvola za putujuće izložbe iz stava (1) ovog člana, izdaje se na osnovu saglasnosti Federalnog ministarstva. Ta saglasnost za zakonito nabavljene primjerce vrsta iz Priloga I, II i III Odluke VM izdaje se ukoliko je ispunjen jedan od sljedećih uvjeta:
 - a) da su primjerci životinja rođeni i uzgojeni u zatočeništvu u skladu sa članom 28. ovog pravilnika, a primjerci biljaka vještački razmnoženi u skladu sa članom 30. ovog pravilnika;
 - b) da su primjerci nabavljeni ili uneseni u Federaciju BiH prije nego što su se na njih počele primjenjivati odredbe Konvencije za vrste iz Dodataka I, II ili III Konvencije, ili odredbe pravilnika za vrste iz Priloga I, II i III Odluke VM.
- (3) Prema člana 17. stav (2) Odluke VM, saglasnost za putujuće izložbe koja je izdata za dobijanje dozvole za putujuće izložbe koristi se za višestruki prelazak granice kao saglasnost za uvoznú dozvolu iz čl. 3, 4. i 5. ovog pravilnika, saglasnost za izvoznú dozvolu ili potvrdu o ponovnom izvozu iz čl. 8. i 9. ovog pravilnika, te saglasnost za potvrdu iz člana 24. stav (4) ovog pravilnika izdata samo u svrhu izlaganja javnosti, a izdaje se na obrascu iz Priloga XIV Odluke VM.
- (4) Prema stavu (3) ovog člana, za žive životinje, Federalno ministarstvo izdaje posebnu saglasnost za izdavanje posebne dozvole iz stava (2) ovog člana za svaki primjerak i moguće ju je izdati za žive životinje samo ako je to u skladu sa propisima iz oblasti dobrobiti životinja.
- (5) Primjerak životinje iz stava (2) ovog člana, mora ispunjavati sljedeće uvjete:
 - a) da je unesen u evidenciju Federalnog ministarstva i Ministarstva BiH;
 - b) da je obilježen jedinstvenom trajnom oznakom u skladu sa članom 35. ovog pravilnika ako se radi o živim životinjama, ili trajno obilježen na neki drugi način tako da upravni organi svake države u koju primjerak uđe mogu provjeriti odgovara li dozvola primjerku koji se uvozi ili (ponovo) izvozi;
 - c) da bude vraćen u Federaciju BiH prije dana isteka dozvole.

Član 18.

(Dozvole za putujuće izložbe)

- (1) U skladu sa članom 18. Odluke VM, Ministarstvo BiH izdaje dozvole za putujuće izložbe koje potiču iz Federacije BiH.
- (2) Dozvole za putujuće izložbe iz stava (1) ovog člana izdaju se na osnovu saglasnosti Federalnog ministarstva, koja se izdaje na zahtjev stranke.
- (3) Dozvole za putujuće izložbe iz druge države izdaje Ministarstvo BiH na osnovu saglasnosti Federalnog ministarstva. Ta saglasnost se izdaje na osnovu zahtjeva i odgovarajuće dozvole koju je izdao upravni organ druge države. Na ovu saglasnost ne primjenjuju se odredbe člana 17. stav (5) tač. a) i c) ovog pravilnika.
- (4) Saglasnost iz stava (3) ovog člana se izdaje samo ako to nije u suprotnosti sa propisima iz oblasti dobrobiti životinja koji su važeći u Federaciji BiH. Ako tokom boravka u Federaciji BiH neka od životinja za koju je izdata dozvola za putujuće izložbe dobije potomke, vlasnik dozvole ili njegov ovlašten

zastupnik dužan je obavijestiti Federalno ministarstvo, a to ministarstvo o tome obavještava Ministarstvo BiH, i od Federalnog ministarstva pribaviti odgovarajuću saglasnost za izdavanje odgovarajuće dozvole ili potvrde za sve potomke.

Član 19.

(Prekogranični promet zaštićenih vrsta iz Priloga I, II i III u ličnom vlasništvu)

- (1) U skladu sa članom 19. Odluke VM, Ministarstvo BiH izdaje dozvole za prekogranični promet za zakonito nabavljene žive životinje iz Priloga I, II i III Odluke VM, koje se smatraju ličnim vlasništvom.
- (2) Dozvola za prekogranični promet iz stava (1) ovog člana izdaje se na osnovu saglasnosti za prekogranični promet koju izdaje Federalno ministarstvo. Ta saglasnost se izdaje ukoliko je ispunjen jedan od sljedećih uvjeta:
 - a) primjerci životinja rođeni su i uzgojeni u zatočeništvu u skladu sa članom 28. ovog, pravilnika;
 - b) primjerci životinja nabavljeni su ili uneseni u Federaciju BiH prije nego što su se na njih počele primjenjivati odredbe Konvencije za vrste iz Dodataka I, II ili III, ili Odluke VM za vrste iz Priloga I, II i III Odluke VM.
- (3) Saglasnost za izdavanje dozvole za prekogranični promet životinja u ličnom vlasništvu odnosi se samo na jedan primjerak.
- (4) Primjerak životinje iz stava (1) ovog člana mora ispunjavati sljedeće uvjete:
 - a) da je unesen u evidenciju Federalnog ministarstva i Ministarstva BiH;
 - b) da je obilježen jedinstvenom trajnom oznakom u skladu sa članom 35. ovog pravilnika;
 - c) da se ne može koristiti u komercijalne svrhe, izuzev u slučajevima iz člana 20. stav (4) ovog pravilnika;
 - d) da bude vraćen u Federaciju BiH prije dana isteka dozvole.

Član 20.

(Prekogranični promet životinja u ličnom vlasništvu)

- (1) U skladu sa odredbama člana 20. Odluke VM, Ministarstvo BiH izdaje dozvolu za prekogranični promet životinja u ličnom vlasništvu.
- (2) Dozvola iz stava (1) ovog člana izdaje se na osnovu saglasnosti za prekogranični promet životinja u ličnom vlasništvu koju izdaje Federalno ministarstvo.
- (3) U skladu sa odredbama člana 20. stav (2) Odluke VM, saglasnost za izdavanje dozvole za prekogranični promet životinja u ličnom vlasništvu za životinju registriranu u drugoj državi, koja ulazi u Federaciju BiH izdaje Federalno ministarstvo na osnovu zahtjeva i odgovarajuće dozvole koju je izdao upravni organ te druge države. Na ovu saglasnost ne odnose se odredbe člana 19. stav (4) tač. a) i d) ovog pravilnika.
- (4) Ako tokom boravka u Federaciji BiH životinja za koju je izdata dozvola za prekogranični promet životinja u ličnom vlasništvu dobije potomke, vlasnik, odnosno nosilac dozvole dužan je obavijestiti Federalno ministarstvo koje o istom obavještava Ministarstvo BiH, i pribavlja odgovarajuću saglasnost od Federalnog ministarstva za sve potomke.
- (5) U odnosu na pitanja koja nisu utvrđena odredbama ovog člana, vlasnik životinje, odnosno nosilac dozvole, postupuje prema odgovarajućim odredbama člana 20. st. (5) i (6) Odluke VM.

Član 21.

(Ograničenja pri uvozu za vrste iz Priloga I i VI)

- (1) U skladu sa članom 21. stav (1) Odluke VM, utvrđena je zabrana za uvoz vrsta iz Priloga VI Odluke VM.
- (2) Izuzetno, u skladu sa članom 21. stav (2) Odluke VM, Ministarstvo BiH može izdati uvoznu dozvolu za uvoz vrsta iz Priloga VI Odluke VM na osnovu saglasnosti Federalnog ministarstva. Ta saglasnost se može izdati ako su ispunjeni sljedeći uvjeti:
 - a) da je zahtjev za uvoz podnesena prije stupanja na snagu zabrane uvoza;
 - b) da se utvrdi da je narudžba za uvoz plaćena ili su primjerci otpremljeni prije stupanja na snagu zabrane uvoza.
- (3) Odredba stava (2) ovog člana ne primjenjuje se na vrste iz Priloga I Odluke VM koje se nalaze u Dodatku I Konvencije.
- (4) U skladu sa odredbom člana 21. stav (5) Odluke VM, ako u Prilogu VI Odluke VM, uz ime vrste u rubrikama pod nazivom "porijeklo primjerka" ili "tip primjerka" nije izričito drugačije propisano, zabrana uvoza ne odnosi se na:
 - a) primjerke rođene ili uzgojene u zatočeništvu ili vještački razmnožene;
 - b) primjerke neophodne za napredak nauke i provedbu neophodnih bio-medicinskih istraživanja ukoliko se dokaže da je ta vrsta jedina primjerena za te svrhe i da ne postoje drugi primjerci uzgojeni u zatočeništvu ili vještački razmnoženi, primjerke namijenjene uzgoju ili razmnožavanju u svrhu očuvanja vrste, i primjerke namijenjene istraživanju i obrazovanju u svrhu očuvanja vrste;
 - c) primjerke koji su dio ličnih i kućnih stvari fizičkih i pravnih lica koja ulaze u Federaciju BiH sa namjerom privremenog ili trajnog nastanjivanja.

Član 22.

(Ograničenja pri uvozu za vrste iz Poglavlja 1. Priloga IX)

- (1) U skladu sa odredbama člana 22. stav (2) Odluke VM, uvoz kože, kožnih preradevina i drugih proizvoda porijeklom od primjeraka vrsta iz Poglavlja 1. Priloga IX Odluke VM može se dozvoliti ako se radi o primjercima ulovljenim tradicionalnim eskimskim lovom, ili se radi o uvozu u nekomercijalne svrhe. Za taj uvoz, Ministarstvo BiH izdaje uvoznu dozvolu na osnovu saglasnosti Federalnog ministarstva.
- (2) Federalno ministarstvo će izdati saglasnost za izdavanje uvozne dozvole za uvoz vrsta iz stava (1) ovog člana, ako su ispunjeni sljedeći uvjeti:
 - a) da je Naučno-stručna komisija na osnovu dostupnih podataka utvrdila da:
 - uvoz primjeraka ne utiče štetno na povoljno stanje populacija vrste ili područje rasprostranjenosti u državi porijekla;
 - je uvoz primjeraka neophodan za napredak nauke i provedbe nužnih bio-medicinskih istraživanja, te da je ta vrsta jedina primjerena za te svrhe i da ne postoje drugi primjerci uzgojeni u zatočeništvu ili vještački razmnoženi, ili je uvoz primjeraka neophodan za istraživanja i obrazovanje u svrhu očuvanja vrste;
 - svrha uvoza ne šteti opstanku vrste.
 - b) da je uvoznik priložio dokumentaciju iz koje je vidljivo da su primjerci pribavljeni u skladu sa odgovarajućim propisima države porijekla i pisanu izjavu kojom potvrđuje da će primjerci biti korišteni u svrhe iz tačke a) alineje 2. ovog stava.

Član 23.

(Ograničenja pri uvozu za vrste iz Poglavlja 2, 3. i 4. Priloga IX)

U odnosu na ograničenja pri uvozu vrsta iz Poglavlja 2, 3. i 4. Priloga IX Odluke VM, postupa se u skladu sa odredbama člana 23. Odluke VM.

POGLAVLJE IV - TRGOVINA ZAŠTIĆENIM VRSTAMA

Član 24.

(Trgovina vrstama iz Priloga I i VII)

- (1) Odredbama člana 24. stav (1) Odluke VM, navedene su konkretne radnje koje su zabranjene u vezi trgovine vrstama iz Priloga I Odluke VM i Priloga I/VII ovog pravilnika (Prilog VII Odluke VM), pa se te radnje ne mogu ni preduzimati.
- (2) Izuzetno, prema odredbi člana 24. stav (2) Odluke VM, Ministarstvo BiH može odobriti radnje iz stava (1) tog člana, na osnovu saglasnosti Federalnog ministarstva. Ta saglasnost se može izdati za izdavanje odobrenja za radnje iz stava (1) ovog člana, ako je ispunjen jedan od sljedećih uvjeta:
 - a) primjerci su stečeni ili uneseni u Federaciju BiH u skladu sa propisima iz oblasti zaštite prirode prije stupanja na snagu odredbi Konvencije koje se primjenjuju na vrste iz Dodatka I Konvencije ili odredbi Odluke VM za vrste iz Priloga I Odluke VM.
 - b) primjerci porijeklom iz Federacije BiH uzeti su iz prirode, u skladu sa propisima iz oblasti zaštite prirode;
 - c) primjerci su obrađeni i stečeni prije više od 50 godina;
 - d) primjerci su uneseni u Federaciju BiH u skladu sa ovim pravilnikom ili Odlukom VM i upotrebljavat će se u svrhe koje nisu štetne za opstanak populacija date vrste;
 - e) ako se radi o primjercima životinjskih vrsta rođenih i uzgojenih u zatočeništvu, primjercima vještački razmnoženih biljnih vrsta, ili o dijelovima i derivatima takvih primjeraka;
 - f) primjerci su potrebni za napredovanje nauke ili za nužne bio-medicinske svrhe, ukoliko se dokaže da je data vrsta jedina odgovarajuća za te svrhe, i ako nema primjeraka te vrste koji su rođeni i uzgojeni u zatočeništvu ili vještački razmnoženi. Provođenje neophodnih bio-medicinskih istraživanja potrebno je da se vrši u skladu sa Zakonom o zaštiti i dobrobiti životinja ("Službeni glasnik BiH", broj 25/09) i Pravilnikom o zaštiti pokusnih životinja i uvjetima koje moraju ispunjavati pravna lica koja se bave izvođenjem eksperimenata na životinjama ("Službeni glasnik BiH", broj 46/10);
 - g) primjerci su namijenjeni za uzgoj ili razmnožavanje u korist očuvanja vrste;
 - h) primjerci su namijenjeni za istraživanje ili obrazovanje radi očuvanja vrste.
- (3) Federalno ministarstvo vlasniku primjerka izdaje saglasnost za radnje iz stava (2) ovog člana, a svaki sljedeći vlasnik mora pribaviti novu saglasnost što se odnosi na odredbu člana 24. stav (3) Odluke VM.
- (4) Izuzetno od primjene stava (3) ovog člana, ako se radi o živim kičmenjacima, Federalno ministarstvo može izdati saglasnost samo za pojedinačni primjerak koji je obilježen u skladu sa članom 35. ovog pravilnika.

Član 25.

(Trgovina vrstama iz Priloga II)

- (1) U skladu sa članom 25. stav (1) Odluke VM, nije dozvoljena prodaja, kupovina, podnošenje ponude za kupovinu, sticanje u komercijalne svrhe, izlaganje javnosti radi sticanja dobiti, korištenje u svrhu sticanja dobiti, držanje radi prodaje,

nuđenje na prodaju, prijevoz radi prodaje, najam, razmjena i bilo koji drugi vid promjene vlasništva primjeraka vrsta iz Priloga II Odluke VM.

- (2) Izuzetno, Ministarstvo BiH može dozvoliti radnje iz stava (1) ovog člana na osnovu saglasnosti Federalnog ministarstva. Ta saglasnost se može izdati za izdavanje dozvole za radnje iz stava (1) ovog člana, ako je ispunjen jedan od sljedećih uvjeta:
 - a) primjerci su stečeni u Federaciji BiH u skladu sa propisima iz oblasti zaštite prirode;
 - b) primjerci su uneseni u Federaciju BiH u skladu sa propisima iz oblasti zaštite prirode;
 - c) ako se radi o primjercima životinjskih vrsta rođenih i uzgojenih u zatočeništvu, primjercima vještački razmnoženih biljnih vrsta, ili o dijelovima i derivatima takvih primjeraka.
- (3) U skladu sa članom 25. stav (3) Odluke VM, Ministarstvo BiH izdaje potvrdu za primjerak živog kičmenjaka na osnovu saglasnosti Federalnog ministarstva. Saglasnost se izdaje samo za pojedinačni primjerak živog kičmenjaka koji je obilježen u skladu sa članom 35. ovog pravilnika.

Član 26.

(Izuzeci pri trgovini)

- U skladu sa odredbama člana 26. Odluke VM, odredbe čl. 24. i 25. ovog pravilnika ne primjenjuju se na:
- a) u zatočeništvu rođene i uzgojene primjerke životinjskih vrsta iz Priloga V Odluke VM i njihove hibride, pod uvjetom da su primjerci datih vrsta obilježeni u skladu sa članom 35. ovog pravilnika;
 - b) vještački razmnožene primjerke biljnih vrsta;
 - c) obrađene primjerke stečene prije više od 50 godina, u skladu sa definicijom iz člana 2. ovog pravilnika.

POGLAVLJE V - PREMJEŠTANJE ŽIVIH PRIMJERAKA UNUTAR FEDERACIJE BiH

Član 27.

(Uvjeti za premještanje živih primjeraka vrsta iz Priloga I i II)

- (1) Prema odredbi člana 27. stav (1) Odluke VM, Ministarstvo BiH može izdati potvrdu za svako premještanje (prijevoz, selidba, novo nastanjivanje, promjena prebivališta, itd.) nekog živog primjerka vrsta iz Priloga I Odluke VM, sa mjesta naznačenog u uvoznj dozvoli ili potvrdi izdatoj u skladu sa Odlukom VM.
- (2) Potvrdu iz stava (1) ovog člana Ministarstvo BiH izdaje na osnovu saglasnosti koje izdaje Federalno ministarstvo za svako premještanje.
- (3) Saglasnost iz stava (2) ovog člana, može se izdati pod uvjetom da:
 - a) lice odgovorno za premještanje primjerka dostavi dokumentaciju iz koje je vidljivo da je primjerak pribavljen u skladu sa propisima iz oblasti zaštite prirode;
 - b) Naučno-stručna komisija izda pisano stručno mišljenje iz kojeg proizlazi da je smještaj koji je namijenjen živom primjerku u mjestu u koje se šalje odgovarajuće opremljen za njegovo primjereno držanje i njegu.
- (4) Saglasnost iz stava (2) ovog člana nije potrebna ako se živa životinja mora premjestiti zbog hitnog veterinarskog liječenja, nakon čega će biti vraćena na mjesto navedeno u uvoznj dozvoli ili drugoj potvrdi, kako je utvrđeno u članu 27. stav (3) Odluke VM.
- (5) Ako se živi primjerak vrste navedene u Prilogu II Odluke VM, premješta unutar Federacije BiH, lice u čijem je posjedu primjerak može ga prepustiti drugom licu tek nakon što se uvjeri da je lice kojem je primjerak namijenjen dobro obaviješteno o smještaju, opremi i postupanju kako bi se

- primjerku osigurala potrebna skrb, kako je utvrđeno u članu 27. stav (6) Odluke VM.
- (6) U odnosu na ostala pitanja postupka se prema odredbama člana 27. st. (4) i (5) Odluke VM.

POGLAVLJE VI - UZGOJ I VJEŠTAČKO RAZMNOŽAVANJE ZAŠTIĆENIH VRSTA

Član 28.

(Primjerci životinjskih vrsta rođenih i uzgojenih u zatočeništvu)

Prema članu 28. Odluke VM, Ministarstvo BiH će primjerak životinjske vrste smatrati da je rođen i uzgojen u zatočeništvu nakon što dobije saglasnost Federalnog ministarstva. Ta saglasnost se izdaje nakon pribavljenog mišljenja Naučno-stručne komisije u utvrđivanja uvjeta utvrđenih u članu 28. Odluke VM.

Član 29.

(Utvrđivanje porijekla)

U skladu sa odredbama člana 29. Odluke VM, vlasnik životinje obezbjeđuje dostupnost uzorka krvi ili drugog tkiva radi provedbe analize u slučajevima kada Federalno ministarstvo odredi potrebu utvrđivanja porijekla životinje.

Član 30.

(Vještački razmnoženi primjerci biljnih vrsta)

- (1) U skladu sa odredbama člana 30. Odluke VM, primjerak biljne vrste smatrat će se vještački razmnoženim ako nakon pribavljenog mišljenja Naučno-stručne komisije, Federalno ministarstvo utvrdi:
- da primjerak biljne vrste potiče od biljke uzgojene iz sjemena, sadnice, reznice, kalusa, drugog biljnog tkiva, spora ili drugih propagula pod kontroliranim uvjetima, tj. u sredini koja nije prirodna i kojom čovjek u znatnoj mjeri manipulira, što može obuhvatiti obrađivanje tla, dubrenje, kontrolu korova, navodnjavanje ili rasadne postupke poput presađivanja u saksije ili zaštitu od vremenskih uvjeta;
 - da je uzgojeni matični fond formiran u skladu sa važećim propisima koji su se na njega odnosili u vrijeme kad je nabavljen, i na način koji ne šteti opstanku tih vrsta u prirodi;
 - da se matičnim fondom upravlja na način koji garantira njegovo dugotrajno održanje;
 - kada se radi o kalemljenim biljkama, da su i podloga i plemka dobivene vještački u skladu sa stavom (1) tač. a) do c) ovog člana.
- (2) Deblo će se smatrati vještački razmnoženim ukoliko potiče od stabala uzgojenih na jednovrsnoj plantaži u skladu sa stavom (1) ovog člana.

Član 31.

(Dozvola za uzgoj i vještačko razmnožavanje)

- (1) U skladu sa odredbama člana 31. Odluke VM, Ministarstvo BiH izdaje dozvolu za uzgoj ili vještačko razmnožavanje primjeraka vrsta iz Priloga I i II Odluke VM te Priloga I/VII i II/VIII ovog pravilnika (Prilog VII i VIII Odluke VM), uz prethodno izdatu saglasnost Federalnog ministarstva.
- (2) Zahtjev za izdavanje saglasnosti iz stava (1) ovog člana sadrži podatke utvrđene u članu 31. stav (2) Odluke VM.
- (3) Saglasnost se izdaje na osnovu prethodno utvrđene ispunjenosti uvjeta iz člana 31. stav (2) Odluke VM.
- (4) Federalno ministarstvo vodi evidenciju lica kojima je dozvoljen uzgoj u skladu sa odredbama ovog člana.
- (5) Uzgajivač je dužan najkasnije do 1. marta tekuće godine dostaviti Federalnom ministarstvu godišnji izvještaj o uzgoju ili vještačkom razmnožavanju primjeraka vrsta iz Priloga I, II, te Priloga I/VII i II/VIII ovog pravilnika (Prilog VII i VIII Odluke VM) za prethodnu godinu.

- (6) Ako uzgajivač ne postupi u skladu sa odredbama ovog člana i u skladu sa uvjetima propisanim u saglasnosti za uzgoj, Federalno ministarstvo će ukinuti izdatu saglasnost, a dalji uzgoj ili vještačko razmnožavanje zabraniti.
- (7) Stav (2) ovog člana se shodno primjenjuje na izdavanje saglasnosti za vještačko razmnožavanje biljnih vrsta iz Priloga I i II Odluke VM, te Priloga I/VII i II/VIII ovog pravilnika (Prilog VII i VIII Odluke VM).

Član 32.

(Izuzeci koji se odnose na vrste iz Priloga I)

U skladu sa odredbama člana 32. Odluke VM, u izuzecima koji se odnose na primjerke vrsta iz Priloga I Odluke VM, postupka se na način utvrđen u članu 32. Odluke VM.

POGLAVLJE VII - OBILJEŽAVANJE POŠILJKI I POJEDINAČNIH ŽIVIH PRIMJERAKA BILJNIH I ŽIVOTINJSKIH VRSTA, NJIHOVIH DIJELOVA I DERIVATA

Član 33.

(Obilježavanje primjeraka pri uvozu u Federaciju BiH)

- (1) U skladu sa odredbama člana 33. Odluke VM, Ministarstvo BiH izdaje uvoznú dozvolu za primjerke vrsta iz Priloga I Odluke VM, na osnovu saglasnosti Federalnog ministarstva. Ta saglasnost se izdaje ako podnosilac zahtjeva dokaže da su primjerci iz Priloga I obilježeni u skladu sa Konvencijom i da su ispunjeni uvjeti utvrđeni u članu 33. stav (1) Odluke VM.
- (2) Federalno ministarstvo će izdati saglasnost za uvoz za primjerke vrsta iz Priloga II Odluke VM uzgojene u zatočeništvu ukoliko podnosilac zahtjeva dokaže da su obilježeni u skladu sa članom 35. ovog pravilnika.
- (3) Federalno ministarstvo može ovlastiti postrojenje za preradu i pakovanje kavijara od jesetarskih vrsta (*Acipenseriformes* spp.) u Federaciji BiH i dodijeliti mu jedinstvenu evidencijsku oznaku, te o tome obavijestiti Ministarstvo BiH. Ovlašteno postrojenje vodi evidenciju o količinama kavijara koje se uvoze, izvoze, ponovo izvoze, proizvode ili skladište i dokumentaciju dostavlja Ministarstvu BiH.

Član 34.

(Obilježavanje primjeraka pri izvozu i ponovnom izvozu)

- U skladu sa odredbama člana 34. Odluke VM, Ministarstvo BiH izdaje izvoznú dozvolu, odnosno potvrdu o ponovnom izvozu, na osnovu saglasnosti Federalnog ministarstva. Ta saglasnost se izdaje kada se utvrde sljedeći podaci, za:
- žive kičmenjake vrsta iz Priloga I Odluke VM ukoliko podnosilac zahtjeva dokaže da su primjerci obilježeni u skladu sa posebnim propisom, u skladu sa članom 35. ovog pravilnika, što se odnosi na izvoznú dozvolu;
 - sva pakovanja kavijara obilježena u skladu sa članom 33. stav (1) tačka g) Odluke VM, što se odnosi na izvoznú dozvolu i potvrdu o ponovnom izvozu;
 - primjerke obilježene u skladu sa članom 33. stav (1) tač. a), b), c), d) i f) Odluke VM ukoliko njihovo stanje nije bitno promijenjeno, a podnosilac zahtjeva dokaže da su izvorne oznake kojima su primjerci obilježeni netaknute, što se odnosi na potvrdu o ponovnom izvozu;
 - cijelu svježu, štavljenu ili obrađenu krokodilsku kožu i kožu slabina, ukoliko podnosilac zahtjeva dokaže da su njihove izvorne oznake netaknute ili, ukoliko su one izgubljene ili uklonjene, da su primjerci obilježeni oznakom za ponovni izvoz, što se odnosi na potvrdu o ponovnom izvozu.

Član 35.

(Metode obilježavanja)

- (1) Odredbama člana 35. Odluke VM, predviđeno je da se živi kičmenjaci obavezno obilježavaju u skladu sa posebnim propisom.
- (2) Primjerci iz člana 17. stav (5), člana 19. stav (4), člana 24. stav (2), člana 25. stav (2) i člana 34. tačka a) ovog pravilnika, kao i jedinke matičnog fonda iz registriranih uzgajališta iz člana 31. ovog pravilnika, obilježavaju se u skladu propisom iz stava (1) ovog člana.
- (3) Stav (1) ovog člana ne primjenjuje se na primjerke živih kičmenjaka za koje se Federalnom ministarstvu pruži odgovarajući dokaz da su njihove fizičke osobine u vrijeme izdavanja dozvole ili potvrde onemogućavale sigurnu primjenu metoda utvrđenih odredbom iz stava (1) ovog člana.
- (4) Za primjerke na koje se odnosi izuzeće iz stava (3) ovog člana, Ministarstvo BiH izdaje samo potvrdu za trgovinu na osnovu saglasnosti Federalnog ministarstva. Ta se saglasnost izdaje za trgovinu iz člana 24. stav (3) i člana 25. stav (3) ovog pravilnika.
- (5) Za svaki primjerak koji nije obilježen u skladu sa stavom (1) ovog člana, nije moguće pribaviti saglasnost iz člana 24. stav (4) i člana 25. stav (3), saglasnost za dozvolu za životinje u ličnom vlasništvu iz člana 19. i saglasnost za dozvolu za putujuće izložbe iz člana 17. ovog pravilnika.

**POGLAVLJE VIII - POSTUPAK ZA IZDAVANJE
SAGLASNOSTI I DRUGIH AKATA IZ NADLEŽNOSTI
FEDERALNOG MINISTARSTVA**

Član 36.

(Zahtjev i postupak po zahtjevu)

- (1) Zahtjev za izdavanje saglasnosti za pitanja predviđena ovim pravilnikom, radi dobijanja akata iz člana 44. stav (2) ovog pravilnika koju izdaje Ministarstvo BiH, podnosi se Federalnom ministarstvu u pisanom obliku, prije uvoza primjeraka u Federaciju BiH odnosno njihovog izvoza ili ponovnog izvoza.
- (2) Zahtjev iz stava (1) ovog člana za primjerke vrsta iz Priloga I, II i III Odluke VM, podnosi se na obrascu iz Priloga X, XII i XIV Odluke VM.
- (3) Zahtjev iz stava (1) ovog člana, za primjerke vrsta iz Priloga VII do IX Odluke VM podnosi se na obrascu iz Priloga XVII Poglavlje 1 Odluke VM.
- (4) Zahtjev za izdavanje dozvola za uvoz živih primjeraka divljih vrsta koje nisu navedene u prilogima ovog pravilnika podnosi se na obrascu iz Priloga XVII Poglavlje 2 Odluke VM.
- (5) U zahtjevu iz stava (1) ovog člana, podnosilac zahtjeva je dužan da navede istinite i tačne podatke, da daje istinite izjave i informacije i da priloži važeću dokumentaciju. Visina administrativne takse će se regulirati posebnim sporazumom između Ministarstva BiH i Federalnog ministarstva.
- (6) Nakon što Federalno ministarstvo izda saglasnost prema ovom pravilniku, uz prethodno pribavljeno stručno mišljenje Naučno-stručne komisije, tu saglasnost ministarstvo dostavlja Ministarstvu BiH radi izdavanja dozvole, potvrde ili drugog akta, zajedno sa zahtjevom i dokumentacijom koja je korištena za izdavanje saglasnosti.
- (7) Naučno-stručna komisija oslobođena je od obaveze uplaćivanja administrativne takse za stručna mišljenja koja se odnose na izdavanje akata, ako se radi o uvozu, izvozu ili ponovnom izvozu u nekomercijalne svrhe.
- (8) Rokovi za postupanje po zahtjevu, u skladu sa stavom (6) ovog člana, regulisani su odredbama Zakona o upravnom

postupku ("Službene novine Federacije BiH", br. 2/98 i 48/99).

- (9) Kada Federalno ministarstvo primi zahtjev podnosioca zahtjeva za izdavanje saglasnosti, postupa tako što zahtjev uzima u rješavanje, izvodi dokaze radi utvrđivanja činjeničnog stanja prema uvjetima koji su utvrđeni u odgovarajućoj odredbi ovog pravilnika i odgovarajuće odredbe Odluke VM, koje se odnose na pitanja sadržana u podnesenom zahtjevu, Federalno ministarstvo donosi rješenje kojim se izdaje saglasnost ili odbija zahtjev za izdavanje saglasnosti ukoliko je utvrđeno da nisu ispunjeni propisani uvjeti. Taj postupak se vodi prema odredbama Zakona o upravnom postupku iz stava (8) ovog člana.

Član 37.

(Odbijanje zahtjeva)

- (1) U skladu sa odredbama člana 37. Odluke VM, Federalno ministarstvo će odbiti zahtjev za izdavanje saglasnosti za uvoz za kavijar i meso jesetarskih vrsta (*Acipenseriformes* spp.) ukoliko nisu unaprijed propisane izvozne kvote u skladu sa procedurom odobrenom na sastanku članica Konvencije.
- (2) Federalno ministarstvo će odbiti zahtjev za izdavanje saglasnosti za izvoz za kavijar i meso jesetarskih vrsta (*Acipenseriformes* spp.) ukoliko nisu unaprijed propisane izvozne kvote u skladu sa procedurom odobrenom na sastanku članica Konvencije.

Član 38.

(Naknadno izdavanje dokumenata)

- (1) U skladu sa članom 38. stav (1) Odluke VM, dozvole i potvrde mogu se izdati naknadno za primjerke vrsta iz Priloga II i III Odluke VM, kao i za primjerke vrsta iz Priloga I Odluke VM, koji ispunjavaju uvjete iz čl. 7. i 10. Odluke VM.
- (2) Izdavanje naknadnih dozvola i potvrda iz stava (1) ovog člana, vrši se uz pribavljenu saglasnost Federalnog ministarstva. Ta saglasnost se izdaje, ukoliko:
 - a) Federalno ministarstvo, u konsultaciji sa upravnim organom druge države, utvrdi da se razlozi zbog kojih dokumentacija nije blagovremeno pribavljena ne mogu pripisati podnosiocu zahtjeva;
 - b) se uvoz, izvoz ili ponovni izvoz odvija u skladu sa Konvencijom i sa važećim propisom druge države.
- (3) U skladu sa uvjetima utvrđenim u odredbi člana 38. stav (2) Odluke VM, kada su primjerci koji se uvoze, izvoze ili ponovo izvoze lične i kućne stvari na koje se primjenjuju posebni izuzeci iz čl. 13. i 14. ovog pravilnika, ili zakonito nabavljene žive životinje u ličnom vlasništvu koje se koriste samo za nekomercijalne svrhe, u tim slučajevima dozvole i potvrde iz čl. 3, 4, 8. i 9. Odluke VM, Ministarstvo BiH može izdati naknadno za primjerke iz Priloga II i III Odluke VM, kao i za primjerke vrsta iz Priloga I Odluke VM, koji ispunjavaju uvjete iz čl. 7 i 10. Odluke VM, nakon pribavljanja saglasnosti Federalnog ministarstva.
- (4) Naknadne dozvole i potvrde iz stava (3) ovog člana mogu se izdati nakon pribavljanja saglasnosti Federalnog ministarstva što se odnosi na primjerke u slučajevima uvoza, izvoza ili ponovnog izvoza ličnih i kućnih stvarima na koje se primjenjuju posebni izuzeci iz čl. 13. i 14. ovog pravilnika.
- (5) U odnosu na ostala pitanja za koja se utvrdi da su potrebna, postupa se na odgovarajući način prema odredbama člana 38. st. (3) do (6) Odluke VM.

Član 39.

(Važenje dokumenata iz drugih država)

- (1) U skladu sa odredbama člana 39. Odluke VM, pitanja važenja dokumenata iz drugih država, pri uvozu u Federaciju

BiH i tranzitu kroz Federaciju BiH, dozvole, potvrde i druge dozvole izdate u drugim državama smatraju se važećim ako su upotrijebljene za izvoz ili ponovni izvoz iz druge države najkasnije prije posljednjeg dana isteka roka njihovog važenja i koriste se za uvoz u Federaciju BiH ili tranzit kroz Federaciju BiH u roku od šest mjeseci od dana izdavanja.

- (2) U odnosu na ostale rokove, po potrebi, postupaju se prema odredbama člana 39. st. (2) i (3) Odluke VM.

Član 40.

(Obrasci za dozvole, potvrde i drugi akti)

Federalno ministarstvo koristi obrasce akata koji su propisani i izrađeni prema odredbama člana 40. Odluke VM, koje u skladu sa ovim pravilnikom obavlja to ministarstvo, bez bilo kakvih novih izmjena, što je utvrđeno u članu 55. ovog pravilnika, s tim da Federalno ministarstvo koristi i Priloge I/VII i II/VIII koji su utvrđeni ovim pravilnikom i čine njegov sastavni dio.

Član 41.

(Papir za obrasce)

Obrasci akata iz člana 40. Odluke VM, koje koristi Federalno ministarstvo za poslove iz svoje nadležnosti, izrađuju se od papira, dimenzija i boja prema odredbama člana 41. Odluke VM.

Član 42.

(Postupanje sa obrascima akata koji su potrebni za izdavanje saglasnosti)

- (1) Obrasci akata iz člana 40. Odluke VM, koje u skladu sa ovim pravilnikom, koristi Federalno ministarstvo, ispunjavaju se elektronskim putem.
- (2) Zahtjevi za izdavanje akata iz člana 40. Odluke VM mogu biti ispunjeni i rukom, pod uvjetom da su ispunjeni čitko, mastilom i velikim štampanim slovima. U suprotnom, isti će se odbaciti kao nepotpuni.
- (3) Na aktima iz stava (1) ovog člana koje koristi Federalno ministarstvo ne smije se ništa naknadno brisati, mijenjati ili popravljati, osim ako takve izmjene nisu potvrđene pečatom i potpisom Federalnog ministarstva ili drugog nadležnog organa.
- (4) U odnosu na ostala pitanja u vezi postupanja sa obrascima, koriste se odgovarajuće odredbe člana 42. st. (4) do (12) Odluke VM.

Član 43.

(Pošiljke koje su dio jednog utovara)

Za svaku pošiljku primjeraka poslatih kao dio jednog utovara, Federalno ministarstvo izdaje prethodnu saglasnost, u skladu sa odredbom člana 43. Odluke VM.

Član 44.

(Rok važenja dozvola i potvrda izdatih za Federaciji BiH)

- (1) Uvozne dozvole, izvozne dozvole, potvrde o ponovnom izvozu, dozvole za putujuće izložbe i dozvole za životinje u ličnom vlasništvu, koje je izdalo Ministarstvo BiH za Federaciju BiH važe u roku koji je utvrđen u tim dozvolama i potvrdama.
- (2) Vlasnik dozvole ili potvrde iz Federacije BiH, mora bez odlaganja Ministarstvu BiH vratiti original i sve kopije dozvola i potvrda iz stava (2) ovog člana, koje su istekle, nisu iskorištene, ili su prestale važiti, kako je utvrđeno u članu 44. stav (9) Odluke VM.

Član 45.

(Prestanak važenja dozvola i potvrda koje je izdalo Ministarstvo BiH)

- (1) Prema članu 45. stav (1) Odluke VM, kopije za vlasnike iskorištenih uvoznih dozvola prestaju važiti kada se ispune uvjeti iz stava (1) tog člana.
- (2) Dozvole i potvrde iz člana 45. stav (2) Odluke VM koje je izdalo Ministarstvo BiH, uz saglasnost Federalnog

ministarstva, prestaju važiti prema uvjetima koji su utvrđeni u stavu (2) tog člana.

- (3) U slučajevima kada se ispune uslovi za prestanak važenja dozvole ili potvrde iz stava (1) ovog člana, prema uslovima utvrđenim u članu 45. st. (1), (2) i (4) Odluke VM, vlasnik te potvrde i dozvole iz Federacije BiH dužan je original i sve kopije bez odlaganja vratiti Ministarstvu BiH, kako je utvrđeno u članu 45. stav (5) Odluke VM.
- (4) U odredbi člana 45. stav (5) Odluke VM, predviđena je mogućnost da Ministarstvo BiH na zahtjev stranke može izdati nove dozvole, potvrde ili druge dokumente, uz saglasnost Federalnog ministarstva. To se odnosi na dozvole i potvrde ili druge dokumente koje su prestale važiti prema uslovima utvrđenim u članu 45. st. (1), (2) i (4) Odluke VM.
- (5) U odnosu na pitanja utvrđena u članu 45. st. (3) i (4) Odluke VM, postupaju se prema tim odredbama.

Član 46.

(Zamjena dozvola i potvrda)

- (1) Uslovi i način zamjene dozvola i potvrda koje je izdalo Ministarstvo BiH, u skladu sa odredbama Odluke VM i odredbama ovog pravilnika, utvrđeni su u odredbama člana 46. stav (1) Odluke VM. Prema toj odredbi, zamjena dozvola i potvrda odnosi se na poništene, izgubljene, ukradene ili uništene dokumente ili dozvole ili potvrde koje su istekle. Zamjena se vrši uz pribavljenu saglasnost Federalnog ministarstva.
- (2) Prema članu 46. stav (2) Odluke VM, ukoliko je izvozna dozvola ili potvrda o ponovnom izvozu za vrste iz Priloga I, II, III i IV Odluke VM poništena, izgubljena, ukradena ili uništena, predviđeno je da Ministarstvo BiH o tome obavještava upravni organ države odredišta i Sekretarijat Konvencije.
- (3) Prema članu 46. stav (3) Odluke VM, dozvole, potvrde ili obavještenja o uvozu koja su izgubljena, ukradena ili uništena, može zamijeniti samo upravni organ koji je iste izdao.
- (4) U odnosu na ostala pitanja, postupaju se prema odredbama člana 46. st. (4) i (5) Odluke VM.

POGLAVLJE IX - NAČIN PROVEDBE NADZORA, VOĐENJA EVIDENCIJE I IZRADA IZVJEŠTAJA

Član 47.

(Privremeno zbrinjavanje oduzetih ili zaplijenjenih primjeraka)

- (1) U skladu sa odredbama člana 47. Odluke VM, živi primjerci životinjskih i biljnih vrsta iz Priloga I do IX Odluke VM i ovog pravilnika, njihovi dijelovi i derivati, koje inspekcija nadležna za poslove zaštite prirode, carina, policija ili granična veterinarska inspekcija oduzme ili zaplijeni, mogu se privremeno zbrinuti kod pravnih ili fizičkih lica koja ovlasti Federalno ministarstvo.
- (2) U odnosu na kontrolu prekograničnog prometa zaštićenih divljih vrsta, njihovih dijelova i derivata kao i pronalasku ili prijavi primjeraka koji mogu biti predmet Odluke VM i ovog pravilnika, postupaju se prema odredbama člana 47. st (2) i (3) Odluke VM i odredbama ovog člana.
- (3) U skladu sa odredbama člana 47. stav (2) Odluke VM, u odnosu na kršenje odredbi Odluke VM i ovog pravilnika i/ili zakona kojima se regulira prekogranični promet zaštićenih vrsta navedenih u Prilozima I do X Odluke VM, kao i živih primjeraka divljih vrsta koje nisu navedene u prilozima Odluke VM i ovom pravilniku, vrši se u saradnji sa Federalnim ministarstvom i/ili Naučno-stručnom komisijom.
- (4) Kontrolu iz st. (2) i (3) ovog člana vrše inspekcija nadležna za poslove zaštite prirode, granična fito-sanitarna inspekcija i policijska služba, svako iz svoje nadležnosti, koje o

utvrđenom stanju obavještavaju Federalno ministarstvo i Ministarstvo BiH.

- (5) Federalno ministarstvo će zatražiti od Ministarstva BiH dostavljanje informacija koje to ministarstvo prikuplja od carinske službe i nadležnih inspekcija u skladu sa članom 47. stav 3. Odluke VM, u dogovorenoj formi i dogovorenim razdobljima, kako bi to ministarstvo moglo poduzimati odgovarajuće mjere zaštite ugroženih vrsta. Federalno ministarstvo je dužno te podatke dostavljati Naučno-stručnoj komisiji.

Član 48.

(Postupanje sa trajno oduzetim primjercima životinjskih vrsta)

- (1) Prema odredbama člana 48. stav (1) Odluke VM, u slučaju kada se radi o primjercima živih životinja, koji su trajno oduzeti pri uvozu ili unosu u Federaciju BiH, a za koje Federalno ministarstvo utvrdi državu porijekla, odnosno koji su oduzeti ili zaplijenjeni na drugi način na području Federacije BiH, a poznata je lokacija sa koje su primjerci uzeti iz prirode, isti mogu biti vraćeni državi porijekla o njenom trošku uz njenu prethodnu saglasnost, odnosno vraćeni na lokaciju sa koje su uzeti iz prirode, pod uvjetom utvrđenim u članu 48. stav (1) tač. a), b) i c) Odluke VM.
- (2) Ako postupanje sa trajno oduzetim primjercima živih životinja iz stava (1) ovog člana nije moguće, Federalno ministarstvo donosi odluku prema uslovima koji su utvrđeni u odredbama člana 48. stav (2) Odluke VM.
- (3) Odluka o postupanju sa trajno oduzetim primjercima živih životinja iz st. (1) i (2) ovog člana, donosi se na osnovu pisanog stručnog mišljenja Naučno-stručne komisije.

Član 49.

(Postupanje sa mrtvim primjercima životinjskih vrsta)

U odnosu na mrtve primjerke životinjskih vrsta, kao i dijelove ili derivate tih vrsta, Federalno ministarstvo može postupiti prema uslovima utvrđenim u članu 49. Odluke VM.

Član 50.

(Postupanje sa trajno oduzetim primjercima biljnih vrsta)

U skladu sa članom 50. Odluke VM, odredbe čl. 48. i 49. ovog pravilnika shodno se primjenjuju na žive i mrtve primjerke biljnih vrsta iz Priloga I do VIII Odluke VM.

Član 51.

(Vođenje evidencije)

- (1) Federalno ministarstvo vodi evidenciju o prekograničnom prometu primjeraka vrsta iz priloga Odluke VM i ovog pravilnika u elektronskom obliku.
- (2) Podaci o kojima se vodi evidencija iz stava (1) ovog člana su:
- naziv i adresa uvoznika i izvoznika;
 - broj i vrsta izdatih saglasnosti ili drugih akata;
 - države sa kojima je vršen promet;
 - vrsta, broj primjerka, porijeklo i, ukoliko je to moguće, opis primjerka.

Član 52.

(Poslovi Federalnog ministarstva)

Federalno ministarstvo obavlja sljedeće poslove:

- izdaje saglasnosti i druge akte za pitanja za koja se prema ovom pravilniku izdaju ti akti;
- ostvaruje saradnju sa Naučno-stručnom komisijom i toj komisiji dostavlja potrebnu dokumentaciju radi davanja stručnog mišljenja komisije;
- vrši i druge poslove koje prema ovom pravilniku obavlja Federalno ministarstvo.

Član 53.

(Naučno-stručna komisija)

- (1) Za davanje stručnog mišljenja u postupku izdavanja saglasnosti i drugih akata za pitanja predviđena u odgovarajućim odredbama ovog pravilnika, imenuje se Naučno-stručna komisija. Ta komisija vrši poslove utvrđene u članu 2. tačka d) ovog pravilnika.
- (2) Naučno-stručna komisija nadzire izdavanje saglasnosti i izvoznih dozvola za primjerke vrsta navedenih u Prilogu II Odluke VM i Prilogu II/VIII ovog pravilnika i stvarne izvoze takvih primjeraka, kako bi mogla odrediti da izvoz primjeraka bilo koje takve vrste bi trebalo ograničiti da bi se ta vrsta u cijelom svojem području rasprostranjenosti održala na nivou koji je u skladu sa njezinom ulogom u ekosustavu u kojemu se javlja i znatno iznad nivoa na kojoj bi ta vrsta mogla postati podobna za uključenje u Prilog I Odluke VM i Prilog I/VII u skladu s člankom 3. stavom 2. tačkom (a) ili tačkom (b) ovog pravilnika ili Odluke VM. U tu svrhu, Naučno-stručna komisija će obavijestiti Federalno ministarstvo u pisanom obliku o odgovarajućim mjerama koje je potrebno poduzeti kako bi se ograničilo izdavanje saglasnosti odnosno izvoznih dozvola za primjerke te vrste.
- (3) Naučno-stručnu komisiju imenuje rješenjem federalni ministar okoliša i turizma, a sastoji se od najmanje tri, a najviše pet članova. U komisiju se imenuju lica visoke sprema iz oblasti pitanja koja su ovim pravilnikom data u nadležnost komisije, a nisu zaposlenici Federalnog ministarstva.
- (4) Predsjedniku i članovima Naučno-stručne komisije, za rad u komisiji, pripada naknada koju rješenjem utvrđuje federalni ministar okoliša i turizma.
- (5) Naknada za rad članova komisije iznosi 15% prosječne mjesečne neto plaće po zaposlenom ostvarene na nivou Federacije BiH za posljednje tromjesečje za jedan norma dan rada, što se utvrđuje rješenjem iz stava (3) ovog člana.
- (6) Administrativno tehničke poslove za rad Naučno-stručne komisije osigurava Federalno ministarstvo.
- (7) Sadržaj i način rada Naučno-stručne komisije i davanje stručnog mišljenja propisuje se poslovnikom o radu komisije koji donosi komisija uz saglasnost federalnog ministra okoliša i turizma.

Član 54.

(Izrada izvještaja)

- (1) Federalno ministarstvo izrađuje i dostavlja Ministarstvu BiH godišnji izvještaj o prekograničnom prometu primjeraka vrsta iz Priloga I do IV Odluke VM koje se nalaze u Dodacima Konvencije, te dvogodišnji izvještaj o zakonodavnim i administrativnim mjerama u Federaciji BiH, poduzetim sa ciljem provedbe odredbi Konvencije.
- (2) Godišnji izvještaj iz stava (1) ovog člana sadrži pregled podataka iz člana 51. stav (2) tač. b) do d) ovog pravilnika.
- (3) Dvogodišnji izvještaj iz stava (1) ovog člana sadrži informacije o mjerama koje je Federacija BiH poduzela u cilju provedbe Konvencije.

Član 55.

(Obrasci akata za rad Federalnog ministarstva)

- (1) U obavljanju poslova iz svoje nadležnosti prema odredbama ovog pravilnika, Federalno ministarstvo koristi i obrasce akata koji se nalaze u prilogu Odluke VM.

POGLAVLJE X - PRELAZNE I ZAVRŠNE ODREDBE

Član 56.

(Posebne obaveze pravnih i fizičkih lica sa područja Federacije BiH)

- (1) U skladu sa odredbama člana 55. Odluke VM, pravna i fizička lica sa područja Federacije BiH, koja posjeduju

primjerke vrsta iz Priloga I i II Odluke VM, i Priloga I/VII i II/VIII (Priloga VII i VIII Odluke VM) u svrhu obavljanja radnji iz člana 24. st. (1) i (2) i člana 31. Odluke VM, dužna su pribaviti potvrde iz člana 24. st. (3) i (4) i dozvole iz člana 31. Odluke VM.

Član 57.

(Stupanje na snagu Pravilnika)

Ovaj pravilnik stupa na snagu osmog dana od dana objavlјivanja u "Službenim novinama Federacije BiH".

Broj 04/2-19-25-II/20
Sarajevo

Ministrica
Dr. **Edita Đapo**, s. r.

(SI-1584/22-F)

FEDERALNI ZAVOD ZA STATISTIKU

2018

PRIOPĆENJE

O PROSJEČNOJ ISPLAĆENOJ MJESEČNOJ NETO PLAĆI UPOSLENIH U FEDERACIJI BOSNE I HERCEGOVINE ZA RUJAN 2022. GODINE

1. Prosječna isplaćena mjesečna neto plaća po uposlenom ostvarena u Federaciji Bosne i Hercegovine za rujan 2022. godine iznosi 1.140 KM.
2. Prosječna isplaćena mjesečna neto plaća po uposlenom ostvarena u Federaciji Bosne i Hercegovine za period srpanj 2022. godine - rujan 2022. godine iznosi 1.133 KM.

Broj 44
16. studenoga 2022. godine

Ravnatelj
Doc. dr. **Emir Kremić**, v. r.

САОПШТЕЊЕ

O PROSJEČNOJ ISPLAĆENOJ MJESEČNOJ NETO ПЛАТИ ЗАПОСЛЕНИХ У ФЕДЕРАЦИЈИ БОСНЕ И ХЕРЦЕГОВИНЕ ЗА СЕПТЕМБАР 2022. ГОДИНЕ

1. Просјечна исплаћена мјесечна нето плата по запосленом остварена у Федерацији Босне и Херцеговине за септембар 2022. године износи 1.140 КМ.
2. Просјечна исплаћена мјесечна нето плата по запосленом остварена у Федерацији Босне и Херцеговине за период јули 2022. године - септембар 2022. године износи 1.133 КМ.

Broj 44
16. новембра 2022. године

Директор
Доц др **Емир Кремић**, с. р.

САОПШТЕЊЕ

O PROSJEČNOJ ISPLAĆENOJ MJESEČNOJ NETO PLAĆI ZAPOSLENIH U FEDERACIJI BOSNE I HERCEGOVINE ZA SEPTEMBAR 2022. GODINE

1. Prosječna isplaćena mjesečna neto plaća po zaposlenom ostvarena u Federaciji Bosne i Hercegovine za septembar 2022. godine iznosi 1.140 KM.
2. Prosječna isplaćena mjesečna neto plaća po zaposlenom ostvarena u Federaciji Bosne i Hercegovine za period juli 2022. godine - septembar 2022. godine iznosi 1.133 KM.

Broj 44
16. novembra 2022. godine

Direktor
Doc. dr. **Emir Kremić**, s. r.

2019

PRIOPĆENJE

O PROSJEČNOJ ISPLAĆENOJ MJESEČNOJ BRUTO PLAĆI UPOSLENIH U FEDERACIJI BOSNE I HERCEGOVINE ZA RUJAN 2022. GODINE

1. Prosječna isplaćena mjesečna bruto plaća po uposlenom ostvarena u Federaciji Bosne i Hercegovine za rujan 2022. godine iznosi 1.766 KM.

Broj 45
16. studenoga 2022. godine

Ravnatelj
Doc. dr. **Emir Kremić**, v. r.

САОПШТЕЊЕ

O PROSJEČNOJ ISPLAĆENOJ MJESEČNOJ BRUTO ПЛАТИ ЗАПОСЛЕНИХ У ФЕДЕРАЦИЈИ БОСНЕ И ХЕРЦЕГОВИНЕ ЗА СЕПТЕМБАР 2022. ГОДИНЕ

1. Просјечна исплаћена мјесечна бруто плата по запосленом остварена у Федерацији Босне и Херцеговине за септембар 2022. године износи 1.766 КМ.

Broj 45
16. новембра 2022. године

Директор
Доц др **Емир Кремић**, с. р.

САОПШТЕЊЕ

O PROSJEČNOJ ISPLAĆENOJ MJESEČNOJ BRUTO PLAĆI ZAPOSLENIH U FEDERACIJI BOSNE I HERCEGOVINE ZA SEPTEMBAR 2022. GODINE

1. Prosječna isplaćena mjesečna bruto plaća po zaposlenom ostvarena u Federaciji Bosne i Hercegovine za septembar 2022. godine iznosi 1.766 KM.

Broj 45
16. novembra 2022. godine

Direktor
Doc. dr. **Emir Kremić**, s. r.

2020

PRIOPĆENJE

O PROSJEČNOJ ISPLAĆENOJ MJESEČNOJ NETO PLAĆI UPOSLENIH U FEDERACIJI BOSNE I HERCEGOVINE ZA PERIOD SIJEČANJ - RUJAN 2022. GODINE

1. Prosječna isplaćena mjesečna neto plaća po uposlenom ostvarena u Federaciji Bosne i Hercegovine za period siječanj - rujan 2022. godine iznosi 1.099 KM.

Broj 47
16. studenoga 2022. godine

Ravnatelj
Doc. dr. **Emir Kremić**, v. r.

САОПШТЕЊЕ

O PROSJEČNOJ ISPLAĆENOJ MJESEČNOJ NETO ПЛАТИ ЗАПОСЛЕНИХ У ФЕДЕРАЦИЈИ БОСНЕ И ХЕРЦЕГОВИНЕ ЗА ПЕРИОД ЈАНУАР - СЕПТЕМБАР 2022. ГОДИНЕ

1. Просјечна исплаћена мјесечна нето плата по запосленом остварена у Федерацији Босне и Херцеговине за период јануар - септембар 2022. године износи 1.099 КМ.

Broj 47
16. новембра 2022. године

Директор
Доц др **Емир Кремић**, с. р.